



UNIVERSITÄTS-
BIBLIOTHEK
PADERBORN

**Series Episcoporum Archiepiscoporum Et Electorum
Moguntinorum, Trevirensium Et Coloniensium**

Kolb, Gregor

Rottwilae, 1725

VD18 12054054

LIII. Iacobvs Elector XXXVII.

[urn:nbn:de:hbz:466:1-64326](#)

cis enim consilia conversus Bertholdus diebus, ut vocat Ecclesia, Rogationum, publicis ipse Elector precibus constanter præsens, vicinos hostes ad communia vota invitavit, quo orandi exemplo pacem facillimè impetravit, mirantibus universis, præsertim vero Electore Palatino, Bertholdi constanter æstimatione dignissimi fiduciam: unde dixisse traditur: *en iste presbyter nobis strenue irridet, armister ritare ipsum conamur: & ecce quasi rerum omnium securus deambulatum vadit.* Postremum hoc notatu dignissimum: ob corruptos populi, & præsertim Sacerdotum mores, imminere nova etiam in religione placita, & poenas justissimo Dei judicio infligendas præsagiens an. 1499. Synodus collegit, ad quam post Episcoporum cœtum viros quosvis doctrinâ & virtutibus insignes convocavit, ut inveterato malo inveniretur idoneum remedium. Adhibita adversus morbos remedia in Bertholdo elusit mors an. 1504. postquam an. 20. universam Germaniam præclaris suis radiis illustravit sub Pont. Julio II.

S E C U L U M XVI.

LIII. IACOBVS ELECTOR XXXVII.

Jacobus è Liebensteiniana Suevorum stirpe natus, avitis natalibus triplex decus adjecit nobilissimum, nimis excellentem morum probitatem, doctrinam, & præsertim, Serario teste, Virginitatis florem. Relictum ab eodem hoc authore Jacobi compendium ad verbum huc transferre lubet, quod ita habet: *Iacobus, Liebensteinia Suevorum stirpe satus, ad Metropolitani Collegij Decanatum per venerat, excellente Vir probitate, doctrina, & virginitatis laude. Fuit die 30. Decembris an. 1504. ad Archiepiscopale gubernaculum admotus: neque est, quod in eo à quo- quam culpetur, nisi quod ad taxillorum ludum fuisse putetur aliquando propensior.*

Si nisi non esset, perfectus quilibet esset,
Sed pauci visi, qui caruere nisi,

Intersuit celebribus an. 1505. Coloniæ Comitiis, ad eumque Limpurgensis Abbatis contra Comitem de Leiningen, cuius ministri Cœnobium illius incenderant, causa relata

H

fuit,

fuit, prout à Trithemio Epist. 31, proditum. Interfuit & Comitiis aliis. Iterum an. 1507. Constantiæ Comitiis, ubi de Germania pace bellisque adversus Venetos faciendo multa. Invaletudine, præsertim lumbagine fere semper conflictabatur. Obiisse ait Bruschius an. 1508. mense Septembri, & diem indicat M. S. L. 17. Calend. Octob. Epitaphium vero sic habet in summo templo: Iacobo de Liebenstein optimo & clementissimo Praesuli, qui anno, ex quo Pontificatum iniverat, secundo, mense Iulio die XVI. bonis omnibus Ecclesiæ vicem dolentibus decessit, posteri bene merenti posuerunt. Videntur autem hic ejus anni non ab Electione, sed à consecratione putari. Hucusque fere ad literam Serarius.

LIV. VRIEL ELECTOR XXXVIII.

Uriel è Nobilium Suevorum de Gemmingen prosapia prodit in lucem, luce majori illustratus, dum legum Doctor, eodem tempore inter Nobiles rara avis, dein ædis majoris Moguntinæ Decanus, & tandem Ecclesiæ maximæ Elector est confirmatus. Ne inter Uriel & Erfordenses cives grave nasceretur bellum, authoritate sua impedivit Maximilianus Imperator Urieli clementissimus, dum misit litis arbitrum Laurentium Bibraeum Herbipolensem Episcopum laudatissimum. Convenit idem Elector interfuit Imperij publico Treviris præsente Cæsare, ubi inconsutilem Christi Servatoris nostri vestem denuo viderunt, & eadem Deum Hominem nostri causâ ornatum venerati sunt. Frugi Virum & parcum dixerunt non pauci Uriel: unde afferunt, cum forte incidisset in furem cellæ vinariae insidiantem, irâ adeo incensum fuisse, ut arrepto ligno obvio furis caput aut cervicem infregerit: quo inexpectato mortis eventu usque adeò mutatum, aut verius ad agendum poenitentiam conversum esse, meminerunt etiam, ut clam relicta Electorali dignitate Carthusianorum solitudinem sibi elegerit toti mundo mortuus an. 1514. Sedis 6. sub Julio II. Vide Serarium, qui partem hanc ultimam vocavit admodum dubiam, haud immerito: nam crebro fabula huic non absimilis in cellis vinariis, aut inter pocula nascitur, & dum bis tèrve repetitur, instar historiæ venditur, emitur, amatur & confirmatur.

LV.